



## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

§. XI. Alia ratio Theologica ex efficacia seu efficientia gratiæ desumpat

---

[urn:nbn:de:hbz:466:1-77355](#)

forma autem qualitate transeunte illi impressa, prius saltem naturam quam operetur; non vero immediatè per seipsum, seu per speciem ejus assilientiam, aut concursum simultaneum.

Præterquam quod (ut arguit D. Thomas loco citato contra gentes ratione 3.) si aliqua duo fuerint non unita, & postmodum uniantur, oportet quod hoc fiat per mutationem utriusque, vel alterius tantum: unde cum Deus simultaneè currendo cum voluntate humana ad actus supernaturales, ipsi conjugantur & assistat per modum compunctionis, simul cum ea influentis in eandem operationem, debet intervenire aliqua mutatio; quæ cum non possit se tenere ex parte Dei, debet se tenere ex parte voluntatis; quæ proinde debet aliquid reale & physicum de novo recipere, prius saltem naturam quam operetur; quod est ipsam physicè præmoveari.

## S. X I.

*Alia ratio Theologica ex efficacia seu efficientia gratia desumpta.*

**105.** **H**ec ratio præcipua est & fundamentalis, potestque sic breviter proponi. Deus per gratiam prævenientem verè & propriè efficit in nobis determinationem voluntatis ad bonum, v. g. ad credendum mysteriis revelatis, vel ad diligendum Deum super omnia: Sed id præstare nequit, nisi voluntatem physicè præmoveat: Ergo datur talis præmotio. Major est de fide: nam de fide certum est, justificationis exordium in adultis à præveniente Dei gratia sumendum esse, sicut definit Tridentinum sciss. 6. cap. 7. Exordium autem justificationis in adultis incipit à determinatione liberi arbitrij, quæ infidelis v. g. se determinat ad credendum mysteriis sibi revelatis; unde capite sequenti subditur: *Disponuntur autem ad ipsam justitiam, dum excitati divinâ gratiâ & adjuti, fidem ex auditu concipientes, liberi moventur in Deum, credentes vera esse quæ divinius revelata & promissa sunt:* Ergo ex Tridentino Deus per gratiam prævenientem verè & propriè cauat in nobis determinationem liberi arbitrij ad credendum.

**106.** Confirmatur: Determinatio voluntatis ad credendum, vel ad diligendum Deum super omnia, est quoddam initium fidei & bona voluntatis; fides enim incipit à pia motione voluntatis, determinantis & applicantis intellectum ad assentendum mysteriis ei propositis, ut ostendimus in tractatu de fide: Sed de fide certum est, nulla dari in nobis initia fidei aut bona voluntatis, quæ non sint à gratia præveniente; ita enim contra Semipelagianos in pluribus Conciliis definitum est, & passim docent Augustinus, Prosper, Fulgentius, & alij SS. Patres. Unde Leo Papa serm. 8. de Epiphania: *Dicente discipulis Domino, sine me nihil potestis facere, dubium non est hominem bona agentem, a Deo habere & effectum operis & initium voluntatis:* Ergo Deus per gratiam prævenientem, verè & propriè efficit in nobis determinationem voluntatis ad bonum.

**107.** Minor autem, quam negant Adversarij, multipliciter suaderi potest. Primo quia motio moralis non est vera & propria efficientia, sed impropria tantum & metaphorica; magisque pertinet ad genus causæ finalis, quam efficientis; movet enim solum objectivè, & exhibendo voluntati bonitatem quæ convenientiâ suâ cam-

aliciat: unde oratores non verè & propriè efficiunt motum voluntatis audientium, quia solum suadendo movent ipsam moraliter; Diabolus etiam non est verè & propriè causa peccati hominis, quia solis consilii, suasionibus, aut propositione objecti delecatibilis, ejus voluntatem movet ad peccandum, ut docet S. Thomas infra quest. 80. art. 1. & qu. 3. de malo articul. 3. Idem patet exemplo pueri, qui moraliter moverunt & excitatur ad currendum, ostensione pomi vel imaginis; quis enim dicat hanc moralem excitationem esse verè & propriè causam efficientem cursus illius? Ergo Deus per motionem moralis non verè & propriè efficit determinationem nostræ voluntatis ad bonum, sed debet illum physicè præmoveari, ut verè & propriè tandem determinationem efficiat.

Secundò probatur eadem Minor ratione S. Thomæ loco ultimò citato. Causa efficiens est illa ad quam infallibiliter sequitur effectus: Sed ad actionem confulentis, imperantis, aut suadentis, non sequitur infallibiliter effectus, nempe consensus liber alterius; fusio enim non cogit invitum, ut dicit Augustinus lib. 83. quest. id est, illum efficaciter ad agendum non determinat: Ergo motio moralis non est vera causa efficiens, subindeque requiritur physica.

Tertiò, Quod non existit, non potest verè & propriè agere; causa enim efficiens operatur in quantum est actu: Sed multoties contingit quod gratia moraliter excitans non existat, quando producitur consensus voluntatis & ejus operatio: Ergo saltem tunc non potest esse vera causa efficiens talis consensus. Major patet, Minor etiam constat experientiâ. Nam sipe quando peccator convertitur, & incipit diligere Deum super omnia, non sentit in anima motus illos indeliberatos timoris mortis vel gehennæ v. g. in quibus Adversarij gratiam moraliter excitantem constituant.

Confirmatur: Principium effectivum debet esse, vel saltem potest esse simul cum suo effectu, præsertim in actionibus instantaneis & immaterialibus, quales sunt actus intellectus & voluntatis: Sed actus indeliberali intellectus & voluntatis, non possunt simul esse cum deliberatis, quando versantur circa idem objectum (v. g. quando Deus per actum indeliberalum amoris movet hominem ad actum deliberatum perfectæ charitatis) nam deliberatum & indeliberalum opponuntur contrariè, vel contradictoriè, subindeque se invicem excludunt: Ergo gratia moraliter excitans non potest esse principium effectivum actus perfectæ charitatis.

Denique: Motus gratiæ excitantis solet esse minus perfectus, quam actus supernaturalis ad quem movet; Deus enim, ut suprà dicebamus, solet vivâ quadam mortis representatione, aut timore gehennæ, excitare peccatores ad actum contritionis vel charitatis, qui est altioris ordinis, & diversæ speciei ab actu timoris: Sed causa efficiens principalis, debet esse ad minus aquæ perfecta, ac ejus effectus; cum tota perfectio effectus virtute continetur in causa: Ergo gratia moraliter excitans, non est, nec esse potest vera causa efficiens actus charitatis, & determinationis voluntatis ad credendum, vel diligendum Deum super omnia.

Dices: Licit Deus per gratiam prævenientem verè & propriè ac physicè non efficiat in nobis liberi arbitrij determinationem ad bo-

## DE MODO QVO VOLVNTAS MOVETVR. 167

num; eam tamen verè, propriè, ac physicè causat per gratiam cooperationis & coëfficientiæ, seu per concursum simultaneum ordinis supernaturalis, quo unà cum voluntate in ejus consensu & determinationem influit.

143. Sed contra primum: Tridentinum loco citato docet exordium nostræ justificationis (subindeque determinationem voluntatis ad credendum, vel diligendum Deum super omnia, à qua justificatio peccatoris incipit) à Dei gratia movente & præveniente procedere: Sed gratia cooperationis & coëffientiæ, neque prævenit liberum arbitrium, ut patet; alias efficit gratia præveniens, & non solum cooperans & coëfficiens; neque illud movet, ut paragrapgo 1. contra Suarez multipliciter ostensum est: Ergo Deus per gratiam cooperationis & coëffientiæ non efficit in nobis liberi arbitrij determinationem ad bonum.

Deinde concursus simultaneus, juxta principia Adversariorum, est indifferens, seu indifferenti modo voluntati oblatus: Ergo tantum abest, quod voluntatis nostræ determinationem verè & propriè causet; quin potius eam à voluntate supponat vel expectet, ut determinatè in nostros actus liberos influat; seu ut ejus indifferenta, suspensio, & indeterminatio tollatur & resolvatur. De quo plura diximus in tractatu de voluntate disp. 5. impugnando decreta indifferencia.

### S. X I I.

#### Corollaria notata digna,

144. Ex dictis inferes primum, negantes physicam prædeterminationem totum ordinem gratiæ actualis destruere. Cum enim hic ordo in auxiliis sufficientibus & efficacibus præcipue constat; hujusmodi autem auxilia, sublatâ physicâ prædeterminatione, stare non possunt, ut abundè ostendimus; certè qui eam negant, totum ordinem gratia actualis evertunt, & ut lóquitur D. Prosper supra relatus, totaliter extra gratiam sunt.

145. Inferes secundò, Adversarios viam sternere huic errori Semipelagianorum quo afferebant Dari in nobis quædam initia fidei & bonæ voluntatis, quæ non erant à gratia, sed à natura, nec à Deo, sed à libero arbitrio.

- Pater etiam hoc corollarium: Nam determinatio voluntatis ad credendum mysteriis revealatis, vel ad diligendum Deum super omnia, est quoddam initium fidei & bonæ voluntatis: Sed talis determinatio non potest verè & propriè effici à gratia duntaxat moraliter excitante; nam, ut suprà vidimus, excitatio moralis non est vera & propria efficientia, sed impropria tantum ac metaphorica: nec etiam à gratia coëffientiæ, seu concursu simultaneo ordinis supernaturalis; E cùm talis concursus liberi arbitrij determinationem non præveniat, sed supponat, vel expectet à voluntate creata, ut docent Adversarij: Ergo sublatâ gratiæ physicâ prædeterminante, determinatio voluntatis ad credendum, vel diligendum Deum super omnia, verè & propriè non potest causari à gratia, subindeque in solam naturam tanquam in veram & propriam causam efficientem debet reduci.

146. Inferes tertio, Yzambertum, & quosdam alios Doctores Sorbonicos, qui gratiam ex se & ex natura sua efficacem admittunt, & negant eam

A physicè prædeterminare liberum arbitrium, non loqui consequenter, sed pugnantia scribere & docere.

Probatur breviter: Gratia ex se & ex natura sua efficax, debet verè & propriè effici liberi arbitrij determinationem ad bonum, v. g. ad diligendum Deum super omnia, vel ad credendum mysteriis revelatis: Atqui gratia moraliter tantum movens & præveniens voluntatem, non verè & propriè efficit liberi arbitrij determinationem ad bonum, sed impropriè tantum, & metaphorice; cùm motio moralis non sit vera & propria efficientia, sed impropria duntaxat ac metaphorica, & magis ad genus cauæ finalis quam efficientis reducatur, ut paragrapgo præcedenti fusè ostendimus: Ergo gratia moraliter tantum movens & excitans voluntatem, non potest esse de se & ex natura sua efficax, sed accidentaliter tantum, & ab eventu, ut Molina & alii Recentiores docent.

Confirmatur primum: Motio moralis se tenet ex parte objecti, & fit per ostensionem boni, quod convenientiâ suâ voluntatem allicit & invitat; unde objectiva appellatur, ut suprà notabili primo declaravimus: Sed nulla motio se tenens ex parte objecti, in hoc statu viæ, potest esse de se & ex natura sua efficax & infallibilis: Ergo nec ulla motio pure moralis. Major patet ex supra dictis. Minor probatur ex D. Thoma 1. p. quæst. 10. art. 4. in corp. ubi sic discurrit:

*Non enim sufficienter aliiquid potest mouere aliquod mobile, nisi virtus activa moventis excecat vel saltem adequet virutem passivam mobiles: Virtus autem passiva voluntatis se extendit ad bonum universale, sicut & intellectus objectum est ens universale: quodlibet autem bonum creatum est quoddam particulare bonum, solus autem Deus est bonum universale; unde ipse solus implet voluntatem, & sufficienter eam mouet ut objectum. Quibus verbis aperitè declarat, nullum bonum creatum, quantumvis congruè propositum voluntati, eam ex vi propria posse efficaciter mouere & determinare ad sui dilectionem, sed hoc convenire foli bono infinito & universali, clare & intuitivè cognito. Unde Deus, prout à nobis viatoribus obscurè & enigmaticè per fidem cognoscitur, non potest in ratione objecti voluntatem efficaciter mouere: quia tunc non apprehenditur ut bonum universale, continens in se omnem rationem boni, sed interdum representatur ut inferens malum penam, vel prohibens bonum aliquod delectabile, ad quod inclinatur voluntas, que subinde potest ipsum odio prosequi, vel non diligere; atque adeò nulla motio se tenens ex parte objecti, in hoc statu viæ, potest esse de se & ex natura sua efficax & infallibilis, seu infallibiliter mouere voluntatem.*

Confirmatur secundò: Illud quod movet efficaciter voluntatem ad agendum, debet eam mouere & determinare, non solum quantum ad specificationem, sed etiam quantum ad exercitium; cùm repugnet voluntatem operari, nisi aliquem actum in particulari elicit: Sed nullum objectum creatum, quantumvis congruè propositum voluntati, nec ipse etiam Deus, ut à nobis hic in via obscurè per fidem cognoscitur; nec bonum ut sic, seu beatitudine in communi, possunt efficaciter & infallibiliter mouere & determinare voluntatem, quantum ad exercitium actus, sed solum quantum ad specificationem,